

中國方志叢書·華北地方·第二七九號

據清·乾隆十八年抄本纂修影印

陝西 省

鎮安縣志



成文出版社有限公司印行



中華民國五十八年 月壹一版

鎮安縣志

全一冊

發行人：黃 成 助

出版者：成文出版社有限公司
台北郵政信箱二二六〇五號

台北市羅斯福路三段279之二號
電話：三三〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

鎮安縣誌序

商屬四邑鎮安獨遠余校士
及商未能至鎮安也邑令聶
君以所纂志寄示繙而讀之
何明且備也建置之沿革治
亂之安危疆土風尚戶口徭
賦學校政令桀然在目而一
股愛士愛民實心實政復詳

溢毫楷聞其文章雄深雅健
纏綿宕逸與其之山水之博
大幽奇相配儷太史公歐陽
子之遺韻矣既為書答聶君
君後屬為序奈惟是志之美
而可傳前書已畧其其說矣
詩曰皇皇者華于彼原隰言
使臣之光華也又周日爰咨

詆周爰咨謀爰咨度周爰咨
詢言使臣能詆謀度詢則有
其筆也

國家德教涵濡不遺遐陬僻壤
鎮安雖小邑

聖天子睿念周焉國史館紀載詳
焉余也校士所至兼有採風
問俗責得是志而陳之於以

盡謀度詢之職而應四牡
皇華之什其諸使臣之光歟
夫纂述之事能使採風問俗
者藉為其華其美而可傳更
何疑哉故理前說而序之
乾隆二十年乙亥孟夏中浣
欽命提督陝甘全省學政翰林院
檢討浙江張拜賡撰

撫憲陳

弘公名謀

批採買倉糧拜請鑒定縣志

稟帖

乾隆二十年
正月十八日

鎮安產穀本少補倉頗難今前後買及千石可以補倉矣城有常平穀鄉有社穀家鄉僻壤星羅碁布皆有積儲偶遇水旱不齊民食有賴民心自安其益匪淺也所纂志書其見數年以來於民生疾苦利弊風俗均有一番講求故能言之鑿鑿如數家珍即亡即學即此已見一斑內有體裁未

宜之霞現未成書附簽商志因此再修誠
子書理是詞摯何其真切也有味也直可
為居官龜鑑不謹庭訓可傳而已流寓卷
內尚宜列入徙署連月應酬紛如臨潼旅
此畧叙夫意書此寄還或再細為斟酌以
成信史可也調任鳳翔可以迎養他方應辦
利濟之事亦多尤可展布奉到
部文即須赴任邑中一切未完之事俱冥
及時辦理其餘悉此繳

鎮安縣志目錄

邑宰聶壽纂

卷首

凡例 分野

卷一

沿革 疆域 山川

卷二

縣治 各寨 坪原 古蹟 勝景

卷三

里甲 戶口 田賦

卷四

官師

卷五

建置

卷六

風俗選舉

卷七

行誼物

卷八

典禮

卷九

灾祥 寺院 流寓

卷十

藝文

卷終

補遺

建縣以來幾經沿革定厥疆域表厥山川縣治寧
乎內各寨榮乎外或為坪原垂為古蹟標為景里甲
於是乎分戶於是乎安田賦於是出治之者官師也有
之官師則有建置有官師建置則有風俗風俗美

於下人才升於上則有選舉選舉之要莫如行誼行
誼者人之能也先人而後物故次物產備物以致敬故
次典禮典禮得夫休咎徵焉故次灾祥感於灾祥之
說者必事禱媚故次寺院寺院之中亦賢人君子偶
爾遊憩之地也故次流寓文章之作半出於名公館卿
半出於草野羈旅故次文藝又可可有遺也故補之
於是乎終乾隆十八年癸酉夏四月聶燾識

鎮安縣志目錄終

鎮安縣志卷首

凡例

一鎮安縣志明以前無考康熙初知縣許油曾纂修其後知縣丁鵬重修至雍正四年知縣武維緒謀復修之俱亡其籍矣武於長安官舍得殘志數頁皆丁令所纂者遂據以成志其書僅一帙稽者未祥出於一時率孰今悉查核更正於內有可存者錄之注明舊志二字於下不敢沒其纂述之功也原分之卷共二十六板五十二頁仍藏官署一商商州總志重修于乾隆九年所載鎮安疆域山川之官師

建置選舉節義等項多本舊志而更以輿圖水經長安志諸書又行文到縣飭查補其缺遺較舊志頗覺明晰然舛謬亦殊多矣今以州為底本舛謬處正之蓋不唯改舊志之悞亦所以訂州志之訛

一縣治自野珠坪改遷家灣相距八十里舊志以野珠坪山川證謝家灣山川州志仍之彼此混淆稽覈無據今悉查明改正

一縣自咸寧分出初隸西安繼屬商州版圖疆界今昔異同州志多以咸寧長安山川混入今悉改正

一官師一類舊志多有遺漏今亦無從搜羅其中曠

否更難核實唯就舊志所載錄之有舊志所缺得自碑
鍾鐫記者補載於後即于行下注明見某處鐘記
一戶里甲田賦舊志查核失實今悉訂正兵防一類以
志闕如廉賞工食設自雍正六年以後今俱補載
一舊志遇有出仕至知縣以上者無論土著寄籍概加
以美評而列入人物不知人物之生成間世而有或數百
年而見區區科名詎是當之今于科名入選舉有事
實可錄隨地節取入行誼傳古人蓋棺論定茲所錄雖
不必書蓋棺要其年皆六十以外山民淳樸可卜其克有終
也

一藝文一類舊志於各廟碑記全未載入今適為采錄擇其關於建置之大者登之其餘事不足紀文不足傳概不浪登四於本事下注明某人有碑記不錄等字

一詳文告玉有關地方教養與禁擇其要者入藝文

一辨論傳因欲取便觀覽即附本事本人之下故不重入藝文至檄文書牘亦因其言有關地方者登入

一舊志載唐詩篇不知係從何處採入今仍之其中
有非本人者本地所作如李太白永靈永山瀑布擬
入鎮安嫁名閭仙之類雖州志亦未經核正然斷宜
刪去也

一舊志載唐萬歲通天元年置安業縣商州志仍之
查萬歲通天係武后年號其時已改國號為周吳
冠之以唐則無此年號也今悉更正稱唐嗣聖十有
三年

一南山奇景蓋於昌黎一詩後有作者不過一邱一壑
之勝耳公餘課士即景命題聊示韻學不覺篇什
遂多刻志時概不欲登入而邑人士仍有以八景詩
為請者姑檢其堪記山川名色者存之要之此類原
無關係重大者必謹稱名其餘碎小議論有不必
稱名者間用別稱以識之